

庄子义证

莊子義證第二十四

雜篇徐無鬼第二十四

徐無鬼因女商見魏武侯。

陸德明曰。司馬本作縉山人徐無鬼。

武侯勞之曰。先生病矣。苦於山林之勞。故乃肯見於寡人。

倫按爾雅釋詁曰。故。今也。此故字亦借爲今。音同見紐。

徐無鬼曰。我則勞於君。君有何勞於我。君將盈耆欲。

倫按耆爲嗜省。

長好惡。則性命之情病矣。君將黜嗜欲。

陸德明曰。黜。本又作出。司馬本作咄。倫按黜咄並借爲拙。說文曰。拙。斷也。

擊好惡。

倫按擊疑借爲愼。聲同真類。說文愼讀若鏗。又讀若擊。是其例證。說文曰。愼。謹也。則耳目病矣。我將勞君。君有何勞於我。武侯超然不對。

朱駿聲曰。超借爲惆。說文曰。惆。失意也。倫按超惆徹紐雙聲。少焉。

劉淇曰。少焉。猶言少頃也。

徐無鬼曰。嘗語君。吾相狗也。下之質。

陸德明曰。一本無質字。倫按當有質字。

執飽而止。

陸德明曰。司馬以執字斷句。云。放下之能執禽也。倫按司馬本蓋無質字。執字疑因與質字聲近而譌。校者以異本旁注。傳寫誤爲正文。

是狸德也。

俞樾曰。廣雅釋獸。狸。貓也。秋水篇曰。騏驎驪驪一日而馳千里。捕鼠不如狸狴。此本書以狸爲貓之證。御覽引尸子曰。使牛捕鼠。不如貓狴之捷。莊子言狸狴。尸子言貓狴。一也。貓之捕鼠。飽而止已。

中之質。若視日。

陸德明曰。示。司馬本作視。倫按。示爲視省。

上之質。若亡其一。吾相狗。又不若吾相馬也。吾相馬。直者中繩。曲者中鈎。方者中矩。圓者中規。是國馬也。而未若天下馬也。天下馬有成材。

陸德明曰。材。字亦作才。

若卹若失。

御覽八九六引失作佚

陸德明曰。失。司馬本作佚。倫按。說文無卹字。列子淮南子作滅。卹滅並借爲忽。聲同脂類。失爲誤省。說文曰。誅。忘也。忽。忘也。

若喪其一。若是者。超軼絕塵。不知其所。武侯大悅而笑。世本悅作說徐無鬼出。女商曰。先生

獨何以說吾君乎。

陸德明曰。說如字。又始銳反。下皆同。司馬本作悅。倫按司馬作悅者。借字。此當讀始銳反。

吾所以說吾君者。橫說之。則以詩書禮樂。從說之。則以金版六弢。

陸德明曰。版。本又作板。司馬崔云。金版六弢。皆周書篇名。或曰。秘識也。本又作六韜。謂太公六韜。文武虎豹龍犬也。成玄英曰。弢。亦有作韜字者。倫按漢書藝文志有周史六弢六篇。固自注曰。惠襄之間。或曰。顯王時。或曰。孔子問焉。沈濤曰。六乃大字之譌。卽人表之周史大弢。亦卽本書則陽篇之太史大弢。六韜當在太公二百三十七篇之內。

奉事而大有功者。不可爲數。而吾君未嘗啟齒。今先生何以說吾君。使吾君悅若此乎。

世本悅作說

徐無鬼曰。吾直告之。吾相狗馬耳。女商曰。若是乎。曰。子不聞夫越之流人乎。

倫按流借爲汙。聲同幽類。汙。今通作游。爾雅釋蟲蜉蝣。釋文。蜉。本又作蜮。是其例證。

去國數日。見其所知而喜。去國旬月。見所嘗見於國中者喜。及期年也。見似人者而喜矣。

張立本曰。似人。似其本國之人也。

不亦去人滋久。

倫按。滋當作茲。說文曰。茲。草木多益。

思人滋深乎。夫逃虛空者。

陸德明曰。逃。司馬本作巡。倫按。巡爲逃誤。虛。今通作墟。空借爲壙。谿紐雙聲。書皋陶謨。無曠庶官。孔傳曰。曠。空也。卽借曠爲空。是其例證。說文曰。壙。塹穴也。一曰。大野。

藜藿柱乎鼯鼯之逕。

闕誤引文如海張君房本乎作宇

陸德明曰。藜。本或作藿。逕。本亦作徑。本又作跡。元嘉本作迭。徐音逸。崔云。迭跡。郭慶藩曰。藿卽今所謂灰藿也。爾雅。拜商。藿。郭注。商藿似藜。按。藜蒿也。藜藿皆生於不治之地。其高過人。必排之而後得進。故史記仲尼弟子傳曰。排藜藿。此言柱乎鼯鼯之

逕。亦極謂其高也。倫按逕。說文作徑。步道也。

跟位其空。

陸德明曰。良。或作跟。奚侗曰。廣雅。良。長也。倫按良借爲長。聲同陽類。位。疑爲佞譌。佞。今作住。空。猶中也。或借爲中。東侵聲近。

聞人足音。蹵然而喜矣。

陸德明曰。蹵然。司馬云。喜貌。崔云。行人之聲。倫按如司馬說。則足音絕句。蹵然屬下讀。如崔說。則聞人足音。蹵然而喜矣。九字爲一句。說文無蹵字。倫謂巩音見紐。恐從巩聲在谿紐。音義引李蹵。曲恭反。又曲勇反。徐苦江反。音並谿紐。疑借爲憫。憫音疑紐。同淺喉音。說文曰。憫。懽也。則當以音字絕句。蹵然屬下讀。

又況乎昆弟親戚之警欬其側者乎。

涵本又作有世本作而

久矣夫。莫以真人之言。警欬吾君

之側乎。徐無鬼見武侯。武侯曰。先生居山林。食芋栗。

陸德明曰。食芋。本亦作芋栗。倫按陸本蓋無栗字。

厭葱韭。

類聚八二引厭作歇

倫按厭當作馱。說文曰。馱。飽也。葱當作艸下恩。此俗字。

以賓寡人。

陸德明曰。賓。本亦作賓。司馬云。棄也。尹桐陽曰。賓借爲餅。幫紐雙聲。

久矣夫。今老邪。其欲干酒肉之味邪。

御覽九七六引作老病欲酒肉之味邪

倫按干借爲勾。見紐雙聲。說文曰。勾。乞也。爾雅釋言。干。求也。

其寡人亦有社稷之福邪。徐無鬼曰。無鬼生於貧賤。未嘗敢飲食君之酒肉。將來勞君也。君曰。何哉。奚勞寡人。曰。勞君之神與形。武侯曰。何謂邪。徐無鬼曰。天地之養也一。登高不可以爲長。居下不可以爲短。君獨爲萬乘之主。以苦一國之民。以養耳目鼻口。夫神者不自許也。夫神者好和而惡姦。夫姦。病也。故勞之。唯君所病之何也。武侯曰。欲見先生久矣。吾欲愛民而爲義偃兵。其可乎。徐無鬼曰。不可。愛民。害民之始也。爲義偃兵。造兵之本也。君自此爲之。則殆不成。

倫按殆借爲似。

凡成美惡器也。君雖爲仁義。幾且僞哉。

倫按幾爲民字之譌。郭象注曰。民將以僞繼之。是郭本猶未譌。

形固造形。

倫按疑有誤。

成固有伐。

章炳麟曰。說文伐。一曰敗也。成固有伐。言有成者固有敗也。倫按伐借爲敗。同唇音

也。說文伐下一曰敗也。卽借伐爲敗也。說文曰。敗。毀也。本書齊物論庚桑楚篇皆曰。

其成也毀也。

變固外戰。

倫按變疑借爲繚。說文曰。繚。一曰治也。

繚下曰亂也。亂當爲繚。繚卽治也。詳說文六書疏證。

外疑爲有

之譌。繚固有戰。卽本書天地篇治亂之率也之義。

君亦必無盛鶴列於麗譙之間。

陸德明曰。譙。本亦作譙。倫按。盛借爲瞰。古讀澄禪二紐並歸於定也。說文曰。瞰。列也。麗借爲廡。音同來紐。本書秋水篇。梁麗可以衝城。梁麗卽爾雅案廡謂之梁之案廡。是其例證。說文曰。廡。中庭也。或借爲樓。音亦來紐。說文曰。樓。重屋也。譙借爲櫟。或借爲櫟。幽宵聲類最近。說文。櫟。讀若夏書天用勦絕。是其例證。史記陳涉世家。戰於譙門中。漢書趙充國傳。爲塹壘木樵。顏師古注。樵與譙同。謂爲高樓以望敵也。說文曰。櫟。澤中守艸樓。櫟。兵車。高如巢。以望敵也。蓋古爲樓以望遠者。皆謂之巢。

無徒驥於鎡壇之宮。

倫按。徒疑借爲駟。定紐雙聲。說文曰。駟。馳馬洞去也。或借爲瞰。亦定紐也。爾雅釋宮。堂塗謂之陳。塗卽徒之後起字。堂徒謂之陳。陳以雙聲借爲徒也。鎡當爲笛。說文曰。笛。反耕田也。又疑借爲宰。聲同之類。論語。湼而不淄。史記屈原賈生傳。後漢隗囂傳。並作泥而不滓。是其例證。說文。宰。臯人在屋下執事者。莊述祖何治運並謂經典無

以宰爲罪人者。倫謂宰次宦守之間。蓋與官同意。故周禮天官稱冢宰。官爲館初文。宰亦館舍。故曰宰壇。

無藏逆於得。

陸德明曰。藏。一本作臧。得。司馬本作德。

無以巧勝人。無以謀勝人。無以戰勝人。夫殺人之士民。兼人之土地。以養吾私與吾神者。其戰不知孰善。勝之惡乎在。君若勿已矣。

奚侗曰。若勿二字誤倒。

修胸中之誠。以應天地之情。而勿撓。夫民死已脫矣。君將惡乎用夫偃兵哉。黃帝將見大隗乎具茨之山。類聚六及二七御覽四九〇及六二四引乎作于

陸德明曰。大。司馬本作泰。茨。一本作次。司馬本作疚。倫按水經。潁水出河南密縣大騩山。注。大騩卽具茨山也。黃帝登具茨之山。升於洪隄上。受神芝圖於華蓋童子。卽是山也。

方明爲御。

類聚二七引御作馭

昌寓駢乘。

治要三七引寓作寓類聚六及二七引寓作宇驂作參

張若謂朋前馬。訓

原作調依音義引元嘉本崔本改崇本亦作調

陸德明曰。謂。元嘉本作謂。崔同。屦。本作屨。本又作朋。郭慶藩曰。多朋字常相混。古文多字作𠂔。形與朋相似而誤。史記五帝紀。鬼神山川封禪與爲多焉。徐廣曰。多亦作朋。漢書霍去病傳。校尉僕多有功。師古曰。功臣侯表作僕朋。皆傳寫之誤也。倫按古人名隰朋者甚多。隰朋卽謂朋。隰。謂聲皆談類也。朱駿聲謂朋卽鳳字。則謂當爲習。說文曰。習。鳥飛也。屨。屨皆側弼等字傳寫之誤。

昆闌滑稽後車。

倫按滑稽借爲頤頤或詘詰。

至於襄城之野。七聖皆迷。無所問塗。適遇牧馬童子。問塗焉。

倫按童爲僮省。

曰。若知具茨之山乎。曰。然。若知大隗之所存乎。曰。然。黃帝曰。異哉。小童。非徒知具茨之

山。又知大隗之所存。請問爲天下。小童曰。夫爲天下者。亦若此而已矣。又奚事焉。予少而自遊於六合之內。予適有瞽病。

朱駿聲曰。瞽借爲眊。說文曰。眊。少精也。倫按。瞽眊同。屑音也。爾雅釋丘。前高旄丘。釋文。旄。字林作旄。又作旄。是其例證。

有長者教予曰。若乘日之車。

陸德明曰。元嘉本車作居。倫按。元嘉本車作居者。釋名曰。古者曰車。聲如居。言行所以居人也。因借居爲車。禮運天子以德爲車。注。車。或爲居。是其例證。

而遊於襄城之野。今予病少瘥。

倫按。說文無瘥字。借爲瘥。瘥讀才他切。與全音同。從紐也。說文曰。瘥。瘡也。

予又且復遊於六合之外。夫爲天下。亦若此而已。予又奚事焉。黃帝曰。夫爲天下者。則誠非吾子之事。雖然。請問爲天下。小童辭。黃帝又問。小童曰。夫爲天下者。亦奚以異乎。牧馬者哉。亦去其害馬者而已矣。黃帝再拜稽首。稱天師而退。知士無思慮之變。則不

樂。

倫按變借爲變。易小畜子夏傳。有孚戀如。思也。戀。今變字。說文曰。變。慕也。

辯士無談說之序。則不樂。

倫按序借爲諸。聲同魚類。詩閔予小子。繼序思不忘。傳曰。序。緒也。爾雅釋詁。舒。緒也。此予者。聲通之證。說文曰。諸。辯也。

察士無凌誅之事。則不樂。

世本凌作凌。闕誤引文如海。成玄英張君房本凌作陵。事作辭。

陸德明曰。誅。一本作說。奚侗曰。說文。察。覆審也。周禮秋官士師。鄭注。士。察也。義取察理訟獄之事也。察士爲審察人。故以凌轢誅之事爲樂。倫按成元英疏曰。若不容主客問訊。辭鋒凌轢。則不樂也。是成本誅作訊。事作辭。凌借爲證。古讀照歸端。來端並舌音也。聲亦同蒸類。說文曰。證。告也。誅。訊形近。字當作訊。說文曰。訊。問也。一本作說者。形聲相近而誤。

皆囿於物者也。招世之士興朝。

倫按招借爲邵。說文曰。邵。高也。或借爲療。聲同宵類。說文曰。療。治也。興爲嫫省。說文曰。嫫。悅也。朝爲廟省。朝廷卽廟廷也。

中民之士榮官。

孫詒讓曰。周禮師氏。掌國中失之事。鄭注云。故書中爲得。得中義同。中民之士。卽周禮太宰九兩章之二曰。長以貴得民。七曰。吏以治得民。故曰榮官也。

筋力之士矜難。

各本矜作矜

倫按矜借爲競。

勇敢之士奮患。

奮原作奮。各本正

兵革之士樂戰。枯槁之士宿名。

俞樾曰。宿讀爲縮。國語楚語。縮於財用則匱。戰國秦策。縮劍將自誅。韋昭高誘注並曰。縮。取也。枯槁之士縮名。猶言取名也。倫按宿爲縮省。說文曰。縮。蹴引也。國語戰國策作縮者。借字。

法律之士廣治。禮教之士敬容。

世本教作樂

倫按教疑當依世德堂本作樂。本書皆以禮樂仁義對言。敬爲警儆之初文。容爲額省。

仁義之士貴際。農夫無草萊之事則不比。
奚侗曰。廣雅曰。比。樂也。倫按本字未詳。

商賈無市井之事則不比。庶人有旦暮之業則勸。百工有器械之巧則壯。

倫按壯借爲獎。說文曰。獎。嗾犬厲之也。

錢財不積。

倫按錢財字古作泉。周禮有泉府是也。然疑泉爲貨之假借。歌元對轉也。說文曰。貨。財也。錢泉聲同元類。故今字作錢。

則貪者憂。權勢不尤。

漢書賈誼傳注引臣瓚引尤作充

倫按權借爲捲。聲同元類。說文曰。捲。氣勢也。尤當依漢書注引作充。說文曰。充。長也。則夸者悲。勢物之徒樂變。

奚侗曰。物爲利字之譌。

遭時有所用。不能無爲也。此皆順比於歲。不物於易者也。

倫按不字爲而字之譌。物易二字誤倒。下章曰。不以物易已。是其證。

馳其形性。潛之萬物。

世本潛作潛

倫按潛借爲湛。聲同侵類。說文槌之重文行潛。是其例證。方言十曰。潛。沈也。廣雅釋詁一曰。潛。沒也。皆湛字義。說文曰。湛。沒也。湛之萬物。猶言沈溺於萬物也。

終身不反。悲夫。莊子曰。射者非前期而中。謂之善射。天下皆羿也。可乎。惠子曰。可。莊子曰。天下非有公是也。而各是其所是。天下皆堯也。可乎。惠子曰。可。莊子曰。然則儒墨楊秉四。

成元英曰。秉者。公孫龍字也。洪頤煊曰。秉疑宋誤。困學紀聞謂公孫龍字子秉。非也。倫按尸子廣澤篇曰。料子貴別囿。以本書天下篇考之。料子卽宋榮子也。蓋宋譌爲案。案料形音均相近。故尸子作料。秉與案形亦近。故此又作秉。